

Visoki predstavnik Inzko izrazio saučešće povodom napada u Parizu

Visoki predstavnik Valentin Inzko izrazio je najdublje saučešće francuskom narodu nakon stravičnih napada koji su se desili u Parizu 13. novembra.

„Svaka nevina žrtva je duboka rana za našu civilizaciju, i opomena da se mir nikada ne treba uzimati zdravo za gotovo. Želim izraziti najdublje saučešće francuskom narodu, porodicama i najmilijima žrtava koje su izgubile živote u ovim bezumnim činovima,“ izjavio je visoki predstavnik.

Neka tri riječi koje predstavljaju vrijednosti za koje se francuski narod zalaže – sloboda, jednakost i bratstvo – također povedu i ujedine svijet u borbi protiv terorizma i nasilja.